



Bosna i Hercegovina  
Federacija Bosne i Hercegovine  
Kanton Sarajevo  
Sarajevo, Obala Kulina Bana 9  
tel: +387 33 445 138  
e-mail: nps@bih.net.ba  
website: www.nps.ba

**URED DIREKTORA**  
Sarajevo, 17.11.2008.godine

## **SAOPĆENJE ZA JAVNOST**

### **ODLIČAN PRIJEM SAMOUBICE**

Predstava Drame Narodnog pozorišta Sarajevo *Samoubica* Nikolaja Erdmana u režiji Eduarda Milera doživjela je izvanredan prijem, na svojoj izvedbi, unutar takmičarskog dijela teatarskog festivala *Bez prevoda*, koji se održava u Narodnom pozorištu Užice.

Glumci Narodnog pozorišta Sarajevo Aleksandar Seksan, Mirvad Kurić, Ejla Bavčić, Nisveta Omerbašić, Boris Ler i drugi doživjeli su prijatne trenutke, kako tokom izvođenja predstave, tako i nakon nje...

Na prigodnom Okruglom stolu u Foajeu Narodnog pozorišta Užice prisutni gledaoci i teatarski stručnjaci okupljeni na ovom festivalu, biranim riječima govorili su o ostvarenju sarajevskog Narodnog pozorišta.

I beogradska, ugledna, *Politika* daje iznimno pristojan prostor ostvarenju Narodnog pozorišta Sarajevo.

Tako novinar ovoga lista ističe: „I pored toga što je dramska radnja smeštena u socijalizam, nekoliko godina posle Oktobarske revolucije ovaj se tekst, posebno danas, reflektuje na vreme korupcijskog kapitalizma, pa mu je aktuelnost još veća. U modernom društvu kojem se apriori pripisuje demokratičnost, socijalnost, humanizam Erdmanov tekst je još aktuelniji i značajniji...”

Novinar dalje ističe da je: „... užička publika lepo primila ovaj komad Narodnog pozorišta iz Sarajeva...”.

Nakon predstave u Užicu direktor užičkog Narodnog pozorišta Zoran Stamatović i direktor Narodnog pozorišta Sarajevo Gradimir Gojer dogovorili su dugoročnu suradnju, razmjenu gostovanja i učešće na prigodnim manifestacijama, u organizaciji ova dva prijateljska teatra.

Uspjeh sarajevskog teatra ukazuje se još značajnijim, kada se zna da je na ovoj manifestaciji nastupio reprezentativan izbor exjugoslavenskih teatarara iz Slovenije, Hrvatske, Crne Gore, a

prije sarajevske predstave lijepu recepciju imale su i predstave Dramskog kazališta *Gavella* iz Zagreba i Jugoslavenskog dramskog pozorišta iz Beograda.

**PRESS SLUŽBA NARODNOG POZORIŠTA SARAJEVO**